

# Sailia o le Fesoasoani

## Saili fesoasoani mai le Atua

Ua folafola mai e le Tama Faalelagi le fesoasoani faalelagi ina ia mafai ai ona tatou onosaia luitau uma faaletino. Ua Ia folafola mai le tele o auala o le a oo mai ai Lana fesoasoani. Afai tatou te le vaai i Lana fesoasoani i se tasi auala, e taua i taimi uma le aua le fiu. Saili pea. O loo i ai o Ia iina.

- O le a se mea ua e iloa e uiga i le Tama Faalelagi ma Iesu Keriso lea e tuuina atu ia te oe le talitonuga e mafai ona La fesoasoani i le faanoanoa ma atuatuvaletu?

Faitau le Iakopo 2:8; Alema 26:27–28; Mataupu Faavae ma Feagaiga 6:36; 136:29. Vaavaai mo ni auala e mafai ona tatou sailia ai le fesoasoani a le Alii pe a tatou faanoanoa pe atuatuvaletu.

- O a mea o aoao mai e nei fuaiupu ia i tatou e fai pe a tatou faanoanoa pe atuatuvaletu?
- O a nisi o auala e mafai ona tatou sailia ai le fesoasoani mai le Tama Faalelagi ma Iesu Keriso?

Afai e le patino tele, faasoa atu se aafiaga na e maua i le sailia o le fesoasoani mai le Tama Faalelagi ma Iesu Keriso.

## Saili le fesoasoani mai i isi

Na aoao mai Peresitene Spencer W. Kimball:



E amanaia i tatou e le Atua, ma na te leoleo ia te i tatou. Ae e masani lava ona auala mai i se isi tagata lona taulimaina o o tatou manaoga. (*Aoaoga a Peresitene o le Ekalesia: Spencer W. Kimball* [2006], 82)

A tatou lagona le faanoanoa po o le atuatuvaletu, atonu tatou te lagona le faasoosoina e ese pe faaesea i tatou lava mai isi. O le faia o lenei mea e ono faatapulaa ina ia lo tatou tomai e vaai ai i le fesoasoani o loo auina mai e le Tama Faalelagi ia i tatou. O le aapa atu i isi e mafai ona aafia ai le talanoa i matua, tagata faatuatuaina o le aiga, po o taitai o le Ekalesia.

Lisi ni mea se lua pe tolu e mafai e se tasi o loo tauivi ona fai e aapa atu ai i isi pe tuu atu foi i isi e fesoasoani ia i latou.

Afai e le patino tele, faasoa atu se taimi na fesoasoani ai se tagata o le aiga po o se uo ia te oe i taimi o le faanoanoa po o le atuatuvaletu.

## Saili le fesoasoani mai tagata e iai tomai faapitoa

O se tasi o punavai taua o le fesoasoani e mafai ona tatou sailia o le atamai lea o fomai faatuatuaina ma fomai o le soifua maloloina o le mafaufau. Mafaufau i le faatusatusaga muamua o le faanoanoa ma le atuatuvaletu i galu o le sami. Pe a tatou faanoanoa (taulimaina o galu laiti), e tatau ona tatou mulimuli i le taitaiga a le Agaga Paia ia iloa ai le taimi e saili ai se fesoasoani faapolofesa. Ae peitai, afai tatou te lagona le faanoanoa po o le fia pule i le ola (feagai ma galu tetele), o le sailia o le fesoasoani faapolofesa e taua tele.

Faitau le saunoaga leni a Elder Jeffrey R. Holland o le Korama a Aposetolo e Toasefululua, ma vaavaai mo mea ua saunia e le Tama Faalelagi e fesoasoani ai ia i tatou pe a tatou tauivi:



Saili se fautuaga a ni tagata tomai o i ai ni aoaoga faamaoniaina, tomai faapolofesa, ma tulaga lelei. Ia faamaoni ia i latou e uiga i lou talafaasolopito ma ou luitau. Mafaufau ma le agaga tatalo ma le manatu tonu i fautuaga latou

te tuu atu ma fofu latou te fautuaina. Afai e afaina lou pitogaau, o le a faamoemoe le Atua e te saili atu i se faamanuiaga faaleperisitua ma saili ia maua se togafitiga sili faafomai. E faapena foi i faaletonu i lagona. Ua faamoemoe mai lo tatou Tama o i le Lago ia tatou faaaoaga ia meaalofa ofoofogia *uma* ua la saunia i leni tisipenisione mamalu. (Jeffrey R. Holland, "Peiseai o se Vaa ua Malepe," *Liahona*, Nov. 2013, 41)

I lau tamaitusi, tusi i lalo se vaega o le saunoaga a Elder Holland sa taua ia te oe.

- Aisea e te manatu ai e taua mo se tasi ona sailia se fesoasoani faapolofesa mo le atuatuvaletu?